



# COMUNU DE CERÀXIUS

Tzitadi Metropolitana de Casteddu

Originali

**DETERMINATZIONI N. 1234 de su 05/11/2020**

**ÀREA 5 - URBANÌSTICA - SERV. INFORMÀTICUS - SPODESSIMENTUS -  
ASIENDA - IGIENE URBANA**

**Servìtziu Obras de Urbanizatzioni Primària, Pianus faidoris e  
Cumpatibìlidadì idrogeològica**

**Ogetu :** FRUNIDURA DE AGIUDUS PO S'ARREMPRASU DE IMPIANTUS DE  
CALLEMENTU DE DOMU A ATÙLIU BÀSCIU CUN IMPIANTUS A  
ATÙLIU MANNU. ART.5, C.4 L.R. 48/2018. OBÈRRIDA NOA DE IS  
TRÈMINIS PO SA PRESENTADA DE IS DIMANDAS DE AGIUDU.

*N° 196 de su Registru Determinatzioni*

**ÀREA 5 - URBANÌSTICA - SERV. INFORMÀTICUS- SPODESSIMENTUS - ASIENDA - IGIENE URBANA**



## COMUNU DE CERÀXIUS

Provìntzia de Casteddu

### **ÀREA 5 - URBANÌSTICA - SERVÌTZIUS INFORMÀTICUS - SPODESSIMENTUS - ASIENDA - IGIENE URBANA**

#### **Servìtziu Obras de Urbanizatzioni Primària, Pianus faidoris e Compatibilidadi idrogeològica**

**OGETU: FRUNIDURA DE AGIUDUS PO S'ARREMPRASU DE IMPIANTUS DE  
CALLEMENTU DE DOMU A ATÙLIU BÀSCIU CUN IMPIANTUS A  
ATÙLIU MANNU. ART.5, C.4 L.R. 48/2018. OBÈRRIDA NOA DE IS  
TRÈMINIS PO SA PRESENTADA DE IS DIMANDAS DE AGIUDU.**

#### **SU DIRETORI**

Arregordada sa deliberatzioni n. 73 de su 19 de mes'e idas 2019 aundi su Cunsillu Comunali at aprovau a su Balanzu de Prevididura armonizau 2020/2022;

Arregordada puru sa deliberatzioni C.C. n.72 de su 19 de mes'e idas 2019 aundi ant aprovau sa Noda de adelantamentu a su Documentu Ùnicu de Programatzioni 2020/2022;

Bia sa deliberatzioni de G.C. n. 2 de su 9 de gennàrgiu 2020 aundi sa Giunta at aprovau su Pianu Econòmicu de Gestioni 2020/2022 sceti po cussu chi pertocat su Peg finantziàriu;

Biu su provedimentu n. 25278 de su 30 de làmpadas 2020 atruessu de su cali ant cunfermau a su sutascritu Ing. Pierpaolo Fois is tareas dirigentzialis alliongiadas cun sa Posidura Organizativa chi currispondit a sa diretzioni de s'ÀreaQuadro "Urbanìstica - Serv. Informàticus - spodessimentus - Asienda - Igiene Urbana" finsas a su 31 de mes'e idas 220;

Premìtiu chi:

- Cun deliberatzioni RAS n. 36/37 de su 12 de cabudanni 2019 tzerriada "Programa de spratzidura de su gastu de èurus 3.920.000 po s'annu 2019 e de èurus 2.495.000 po s'annu 2020 po sa frunidura de agiudus a is Comunas de sa tzitadi metropolitana de Casteddu, po impelli s'arremprasu de impiantus de callentamentu de domu a atùliu bàsciu cun impiantus de callentamentu de domu a atùliu artu, cunforma a s'art. 5, comma 4, Lei Regionali de su 28 de mes'e idas 2018, n. 48 "*Legge di stabilità 2019*", sa RAS at donau a su Comunu de Ceràxiu, castiendi a su tanti de genti bividora, s'addonu de èurus 383.193 po su 2019 e s'agiudu de èurus 240.375 po su 2020;

- In su s'istiu de s'agiudu entregau unu tanti, de massimu su 10% est chistiu po s'Aministratzioni Comunali po aguantai gastus generalis alliongiaus cun sa gestioni de su bandu, cumprèndia puru sa informatzioni a sa popolatzioni;
- S'agiudu a is Comunas beneficiàrius benit donau in d-una borta totu impari, e su trasladamentu a su Comunu de Ceràxiu est stètiu arriciu cun reversale n. 5254 de su 24 de mes'e idas 2019, aguali a € 383.193,00;

Donau àutu chi:

- Cunforma a s'alliòngiu a sa Deliberatzioni RAS n. 36/37 de su 12 de cabudanni 2019 e, cunforma a cussu, is Aministratzionis comunalis beneficiàrias depint traballai po aviai sa procedura de evidentza pùblica po s'arreconnoscimentu de is sugetus arricidoris e po scrucillai is dimandas lòmpias scioberendi cussas amitibilis;
- Sa atividadi de agiudu a sa gestioni de is procedimentus chi pertocant a is agiudus de s'ogetu iat a podi ocasionai su strobu de fai is funtzionis de istitutu, a psutis de RdO in sa piatafurma SardegnaCAT - cun Determinatzioni n. 517 de su 12/02/220 su "servìtziu de apoderamentu po sa gestioni de is procedimentus chi pertocant a is agiudus po s'arremprasu de impiantus de callentamentu de domu a atùliu bàsciu cun impiantus de atùliu artu" est stètiu afillau a sa professionista ing. Loretta Cabras, bia Amsterdam 31, Ceràxiu (CA) po unu tempus de 12 mesis e po unu tanti de € 15.840,00 in prus de is dèpiris previdenzialis e s'Iva;
- in sa dii 27 de maju 2020 est stètiu apariciu su cuntratu cun sa professionista ing. Loretta Cabras, bia Amsterdam 31, Ceràxiu (CA);
- cun determinatzioni cosa sua 20 mes'e argiolas 2020, n. 781 est stètiu aprovau su schema de bandu e is alliongiaus cosa sua po s'agiudu chistionau;
- in sa dii de su 22 de mes'e argiolas 2020 s'est fata sa publicatzioni de su bandu in su giassu istituzionali de s'Enti cun scadèssida de su trèmini po sa presentada de is dimandas de agiudu scioberada po sa dii 22 de mes'e ladàmini 2020;

Abetau chi:

- a sa dii de sa scadèssida de custu trèmini no fiat stètia entregada nisciuna dimanda;
- est boluntadi e interessu de s'Aministratzioni chi is interbènnidas de custu agiudu siant donaus po podi amellorai s'atùmbidu a pitzu de is bessiduras in s'atmosfera sighendi is tareas de s'interbènnida;

Cunsiderau mellus intzaras:

- de depi torrai a oberri is trèminis po sa presentada de is pediduras de agiudu po atras 45 diis naturalis e una in fatu a s'atra;
- de donai àutu chi a foras de su trèmini po sa presentada de is dimandas, adelantau de custa determinatzioni, si cunfrimat sa balidesa de su schema de avisu pùblicu e de is alliongiaus chi ndi pertocant aprovaus cun sa determinatzioni 20 de mes'e argiolas 2020, n. 781;

Bius su schema de avisu pùblicu de torrada a oberri de is trèminis po sa presentada de is

pediduras de agiudu;

Cunsiderau profetosu sighiri ainnantis cun sa aprovatzioni de custu avisu cumentì cunditzioni po sa publicatzioni in s'albu pretòriu de custu avisu pùblicu;

Arregordadas:

- Sa Lei Regionali de su 28 de mes'e idas 2018, n. 48;
- Su decretu Legisladori 18 de austu 2000, n. 267;

## D E T È R M I N A T

De aprovai s'avisu pùblicu de torrada a oberri de is trèminis po sa presentatzioni de is pediduras de agiudu po s'arremprasu de impiantus de callentamentu de domu a atùliu bàsciu cun impiantus de callentamentu de domu a atùliu artu;

De donai àutu chi a foras de su trèmini po sa presentada de is pediduras, adelantau a custa determinatzioni, si cunfrimat sa balidesa de su schema de avisu pùblicu e is alliongiaus cosa sua aprivaus cun sa determinatzioni 20 de mes'e argiolas 2020, n. 781;

De imbiai custa determinatzioni a sa Diretora de s'Àrea 2 po nci ponni su bistu de regularidadi contàbili cunforma a s'artìculu 153 comma 5 de su decretu legisladori 18 de austu 2000, n. 267;

SU DIRETORI D'ÀREA

Pierpaolo Fois

Custu àutu, apariciau de manera digitali e firmau cun firma digitali de su Diretori de Àrea cumpetenti, at a èssiri postu pùblicu cunforma a s'art. 4 comma 1 de su Regulamentu po s'organizazioni e is maneras de gestioni de s'Albu Pretòriu Virtuali

**Àutu in Originali**